

ՀԱՅԱՍՏԱՆԻ ՕԳՆՈՒԹՅԱՆ ՎՐԱՍՏԱՆԻ ԿՈՄԻՏԵԻ ԳՈՐԾՈՒՆԵՈՒԹՅՈՒՆԸ
(1921—1925 թթ.)

1921 թ. Հայաստանի հասարակական-քաղաքական կյանքի ուղադրավ երևույթներից էր լայն ու անկեղծ համակրանքի և աջակցության այն հոսանքը, որ սկսվեց մտավորականության մեջ՝ դեպի նորաստեղծ Սովետական Հայաստանի կառավարությունն ու հայ ժողովուրդը:

Հայաստանի օգնության կոմիտեի (ՀՕԿ) ստեղծման համար կային լուրջ պատճառներ: Երկարամյա պատերազմների հետևանքով Հայաստանի ժողովրդական տնտեսությունը քայքայվել էր, որն ավելի խորացավ դաշնակների տիրապետության ժամանակ:

Ծանր, կորստաբեր հետևանք ունեցան հայ ժողովրդի համար դաշնակների կողմից նյութված վերջին քաղաքացիական կռիվները: Այս ամենին ավելացավ նաև այն, որ 1921 թ. երկիրը ենթարկվեց բնական աղետի՝ երաշտն ու կարկուտը ոչնչացրին բերքը, այն, ինչի վրա հույս էր դրել հայ գյուղացին իր ապրուստի համար:

1921 թ. Հայաստանի բնակչության քառորդ մասը սովի էր մատնված: Գոյացել էր գաղթականների և որբերի մեծ բազմություն, որը զուրկ էր ապրուստի շնչին միջոցներից: Պահանջվում էր մեծ օգնություն, ինչպես պարենային, նույնպես և բարոյական:

Սովետական Հայաստանի կառավարությունը կոմկուսի ղեկավարությամբ ձեռք առավ բոլոր միջոցները երկիրը սովից ու քայքայումից դուրս բերելու և վերաշինելու համար: Սակայն երկրի ներքին ռեսուրսները բավական չէին սովը հաղթահարելու համար:

Հայ ժողովրդի հույսը նաև դրսի ուժերի վրա էր: Այդ օրերին նրան օգնության ձեռք մեկնեց Սովետական Ռուսաստանը, որը շնայած ինքն էլ գրտնրվում էր տնտեսական-պարենային շատ ծանր պայմաններում, բայց Հայաստանին ցույց տվեց բազմակողմանի անշահախնդիր, եղբայրական օգնություն: Հայաստանի աղետյալ բնակչությանը լուրջ օգնություն ցույց տվեց նաև սփյուռքի հայությունը: Այս օգնությանը առավել կազմակերպված բնույթ տալու նպատակով Հայաստանի ու Վրաստանի հայ հասարակական գործիչները 1921 թ. սեպտեմբերին Երևանում հիմնադրեցին «Հայաստանի օգնության կոմիտե» (ՀՕԿ):

ՀՕԿ-ի հիմնադիր նստաշրջանը բացվեց 1921 թ. սեպտեմբերի 13-ին՝ Ա. Երզնկյանի նախագահությամբ: Այդ ժողովին մասնակցում էին հանրապետության հասարակական, քաղաքական, գիտության և մշակույթի 40 անվանի գործիչներ, այդ թվում՝ Հովհաննես Թումանյանը, Լեոն, Դ. Դեմիրճյանը, Ա. Կարինյանը, Պ. Արելյանը, Գ. Վարդանյանը, Ս. Տեր-Գաբրիելյանը, Յ. Խանդադյանը և շատ ուրիշներ:

Պարզաբանելով 204-ի ստեղծման շարժառիթները, ՀՍՍՀ հոդվողում Ա. Երզնկյանն ասաց. «Ընկերներ՝ հասարակական գործիչների մի խմբի մեջ միտք է հղացել օգնություն հասցնել Խորհրդային Հայաստանի կառավարության այն բոլոր ձեռնարկումներին, որոնք ուղղված են բնակչության տնտեսական դրության բարելավման և երկրի տնտեսական վերաշինության գործին: Ահա այդ նպատակին հասնելու համար անհրաժեշտ համարվեց հայ ժողովրդի բոլոր կենսունակ ուժերը համախմբել և կազմել մի այնպիսի կոմիտե, որն ի վիճակի լինի իրագործել այդ խնդիրները»¹:

Ժողովում ընտրված հանձնաժողովի առջև խնդիր դրվեց շտապ կարգով, մինչև հաջորդ նիստը, մշակել կոմիտեի կանոնադրության նախագիծը: Հանձնաժողովի կազմի մեջ էին՝ Ա. Երզնկյանը, Ալ. Պապովյանը, Գ. Տեր-Ռուբինյանը, Լ. Թումանյանը, Ալ. Տեր-Վարդանյանը²:

Սեպտեմբերի 14-ին ժողովն ընդունեց Հայաստանի օգնության կոմիտեի ստատուտը, որը հաջորդ օրը հաստատվեց ՀՍՍՀ ժողովրդական կոմիսարների խորհրդի կողմից:

Հիմնադիր ժողովի որոշմամբ, Կոմիտեն անվանվեց «Հայաստանի օգնության կոմիտե», որի անմիջական խնդիրն էր՝ օգնել Հայաստանի սովյալ ազգաբնակչությանը և օժանդակել երկրի ընդհանուր շինարարության գործին³:

204-ի կարևոր խնդիրներից էր նաև՝ սփյուռքահայ աշխատավորներին կապել Սովետական Հայաստանի հետ, գաղութահայ օջախներում պրոպագանդել Հայաստանի նվաճումները, նպաստել սփյուռքահայ աշխատավորների ինտերնացիոնալ դաստիարակության գործին:

204-ի վարչությունը շնորհակալ աշխատանք կատարեց Հայաստանում նոր ավանների հիմնադրման, ապա՝ արտասահմանից դեպի Հայաստանի աշխատավորների ներգաղթի կազմակերպման ուղղությամբ:

Այսպիսով 204-ը հանդես եկավ որպես հայրենասիրական մեծ եռանդով լցված հասարակական կազմակերպություն և իր գոյության 17 տարիների ընթացքում կատարեց արդյունավետ աշխատանք՝ հօգուտ Սովետական Հայաստանի և հայ ժողովրդի:

Հայաստանի օգնության կոմիտեի առաջին կազմը բաղկացած էր 77 հոգուց, որոնք և հանդիսացան նրա հիմնադիրները:

1921 թ. սեպտեմբերի 18-ին 204-ի հիմնադիր ժողովի (համագումարի) վերջին նիստում հաստատվեց 204-ի ստատուտը: Նույն նիստում ընտրվեց նախագահություն, անձնափոխորդներ և վերստուգիչ հանձնաժողով:

204-ի կենտրոնական վարչության նախագահության անդամներ ընտրվեցին՝ Հ. Թումանյանը (նախագահ), Ա. Երզնկյանը, Երվ. Թադևանոսյանը, Ալ. Պապովյանը, Հով. Մելիքյանը, Կ. Տեր-Օհանյանը, Գ. Վարդանյանը, Դր. Տեր-Սիմոնյանը: Վերստուգիչ հանձնաժողովի կազմում ընտրվեցին՝ Ս. Կանանյանը, Գ. Պիճիկյանը, Գ. Եվանգուլյանը, Պ. Աբելյանը⁴:

1 ՀՍՍՀ Հոկտեմբերյան հեղափոխության և սոցիալիստական շինարարության պետական կենտրոնական արխիվ, ֆ. 178, ց. 1, գ. 2, թ. 28:

2 ՀՍՍՀ ՀՀՍԵ ՊԿԱ, ֆ. 178, ց. 1, գ. 2, թ. 28:

3 Նույն տեղում:

4 Նույն տեղում:

Ժողովը հաստատեց 204-ի նախագահության կողմից ընդունած կոչ-դիմումը՝ ուղղված աշխարհի տարբեր մասերում ցրված հայ աշխատավորներին: Սույն աշխարհի հայությանը ծանոթացնում էր Հայաստանի և հայ ժողովուրդի տնտեսական ծանր վիճակին և 204-ի նպատակներին ու խնդիրներին:

1921 թ. սեպտեմբերի 15-ին ՀՍՍՀ Ժողկոմխորհը ընդունեց դեկրետ Հայաստանի օգնության կոմիտեի (204) հիմնադրման մասին:

Հայաստանի օգնության կոմիտեն, անկախ իր անդամների քաղաքական դավանանքից և կուսակցական պատկանելությունից, իր նպատակներով և կազմակերպման ձևերով ճանաչվեց որպես հասարակական կազմակերպություն և իբրև այդպիսին իրեն հայտարարեց չեզոք՝ քաղաքական և կուսակցական պայքարում:

Համաձայն ստատուտի, 204-ը գտնվում էր բացառապես Ժողկոմխորհի հսկողության ներքո:

«Կոմիտեի հասցեով ուղղված դրամները—ասված է ստատուտում,— իրերը և ընդհանրապես լամբողջ գույքը ազատ են պետականացումից, բռնազրավումից և այլ սահմանափակիչ օրենքներից ու միաժամանակ՝ ներքին թե արտաքին փոխադրությունների ընթացքում օգտվում են պետական գույքերին վերապահված արտոնություններով»:

Կոմիտեն իր տրամադրության տակ եղած դրամը և գույքը գործադրում էր ըստ իր հայեցողության՝ ստատուտով նախատեսված նպատակների սահմաններում:

Ըր գործունեության ընթացքում կոմիտեն լայն աջակցություն էր գտնում Ժողկոմխորհի նախագահի, առանձին ժողկոմների, ինչպես և ընդհանրապես սովետական իշխանության կենտրոնական և տեղական մարմինների կողմից:

Կոմիտեի կենտրոնն էր Երևանը: 204-ը իրավաբանական ճանաչում ստացավ, և ուներ իր սեփական կնիքը:

204-ի ստատուտը հաստատվեց նաև ՀՍՍՀ Կենտգործկոմի նախագահության կողմից՝ 1924 թ. հունվարի 11-ին, իսկ ՍՍՀՄ Ժողկոմխորհի 1924 թ. հոկտեմբերի 22-ի որոշմամբ, 204-ին իրավունք էր վերապահվում բացելու իր մասնաճյուղերը Միության ամբողջ տերիտորիայում⁵, ուր կար հայկական բնակչություն:

1925 թ. հունվարի 23-ին 204-ի գլխավոր վարչության կողմից հաստատվեց 204-ի սովետական ճյուղերի ներքին կանոնադրության նախագիծը: 204-ի ճյուղերը բացվում էին տեղական, բարեգործական, մշակութային և հասարակական մարմինների կամ գործիչների ու լիազորների նախաձեռնությամբ և իրենց գործունեության ընթացքում ղեկավարվում է 204-ի գլխավոր վարչության ստատուտով և 204-ի համագումարների որոշումներով:

204-ի գլխավոր վարչության եռանդուն աշխատանքի շնորհիվ կարճ ժամանակամիջոցում ստեղծվեցին բաղմամբիվ մասնաճյուղեր՝ Անդրկովկասում, Ռուսաստանում և Միջին Ասիայում: Այնուհետև, մինչև 1925 թ. 204-ի ճյուղերը կազմակերպվեցին Եվրոպայի, Ասիայի, Ամերիկայի, Նույնիսկ Աֆրիկայի

⁵ «Հրավիրակ», № 1, 1925 թ., Երևան: («Հրավիրակ»-ը եղել է 204-ի գլխավոր վարչության օրգանը):

⁶ «Հրավիրակ», № 1, 1925 թ., Երևան:

հայաբնակ կենտրոններում: Բավական է ասել, որ մինչև 1936 թ. Եվրոպայում ստեղծվեց 204-ի ավելի քան 200 մասնաճյուղեր՝ 10 հազար անդամներով:

204-ի սովետական մասնաճյուղերից հատկապես աչքի ընկան և շնորհակալ աշխատանք կատարեցին Մոսկվայի և Վրաստանի կոմիտեները:

Արտասահմանում 204-ի գծով տարվող աշխատանքի պայմանները միատեսակ չէին: Կային երկրներ, որտեղ գոյություն ունեին քաղաքական պրոպագանդայի և Հայաստանին օգնություն ցույց տալու տեսակետից համեմատորեն ավելի ազատ պայմաններ: Սակայն մի շարք երկրներում դաշնականների մատնության հետևանքով 204-ի բազմաթիվ անդամներ տեղորոշվեցին: Հնչակյան և ռամկավարական որոշ գործիչներ ուղևորվեցին 204-երը վերածել քաղաքական կազմակերպությունների: Որոշ փորձեր եղան նաև 204-երի և Կարմիր խաչի միաձուլման ուղղությամբ: Սակայն դա նույնպես սխալ էր, որովհետև արտասահմանյան Կարմիր խաչի հայկական ընկերություններում տեղի ու տնօրեն էին ռամկավարները և հնչակյանները: Հակառակ դրան, 204-երը արտասահմանում վերածվեցին կազմակերպված կենտրոնների, որոնց միջոցով տարվեց ակտիվ հակադաշնակցական պայքար: 204-երի լավ աշխատանքի շնորհիվ հայրենակցական միություններից շատերը երես թեքեցին դաշնակներից և ակտիվ դեր խաղացին հայրենիքին օգնություն ցույց տալու գործում: Ջերմ հավատը, որ ունեին սոցիալառքահայ աշխատավորները դեպի Սովետական Հայաստանը, մեծ ուժ էր տալիս 204-երին: Այդ էր պատճառը, որ շնայած անասելի ծանր պայմաններին, 204-երը արտասահմանում աճեցին և հզորացան:

* *

Սովետական Վրաստանի հայ գործիչները բացի երևանում 204-ի գլխավոր վարչության կազմակերպմանը ակտիվ մասնակցություն ունենալուց, նախաձեռնեցին և կազմակերպեցին «Հայաստանի օգնության Վրաստանի կոմիտե»- որը հանդիսացավ Վրաստանում բացվելիք տեղական բոլոր մասնաճյուղերի կենտրոնը:

204-ի Թիֆլիսի կոմիտեի հիմնադրումը, որի նախաձեռնությունը պատկանում է Հ. Թումանյանին և Ս. Կասյանին, տեղի ունեցավ 1921 թ. հոկտեմբերի 31-ին: Ժողովին մասնակցում էին և ակտիվ դեր խաղացին կոմիտեի կազմակերպման գործում՝ Լևոն, Գ. Լևոնյանը, Գ. Դեմիրճյանը, Լ. Թումանյանը, Գ. Մելքոնյանը և ուրիշներ:

Ժողովը լսեց և քննարկեց Հայաստանից վերադարձած 204-ի ղիսավոր վարչության հիմնադիր անդամ Հ. Թումանյանի և մյուսների հաղորդումները 204-ի կազմակերպման, նպատակների և խնդիրների մասին: Նույն օրը ժողովը ստեղծեց ժամանակավոր հանձնաժողով, որի առաջարկությամբ 204-ի Թիֆլիսի կոմիտեն կոչվեց «Հայաստանի օգնության կենտրոնական կոմիտե Վրաստանում»: Կոմիտեի նախագահության կազմում, իբրև անդամներ, ընտրվեցին 9 մարդ և 3 անձնափոխորդներ⁷:

Կոմիտեի վարչության նախագահ ընտրվեց Ս. Կասյանը, իսկ փոխնախագահներ՝ Լևոն Թումանյանը և Ֆյոդրա Վարդանյանը: Վարչության կազմում

⁷ ՀՍՍՀ 2206 ՊԿԱ, ֆ. 178, ց. 1, դ. 6, թ. 6:

իբրև անդամներ ընտրվեցին՝ Ս. Խանոյանը, Գարեգին Մելոյանը, Կարապետ Աբրյանը, Նիկողայոս Սարգսյանը, Անուշավան Ստամբուլցյանը, Արամ Յադուբյանը, Դարիա Թադևոսյանը, Արշալույս Մխիթարյանը, Արշակ Կուսկյանը, Վերստուգիչ Հանձնաժողովում ընտրվեցին՝ Հով. Արազյանը (Նախագահ), Մաթևոս Դարբինյանը, Նիկողայոս Թերզիբաշյանը, Ֆինանսական Հանձնաժողովի կազմում՝ Մելքում Տեր-Հարությունյանը (Նախագահ), Ռ. Թադևոսյանը (փոխնախագահ), Գ. Ապրիկյանը, Ե. Մյասնիկյան-Կուկուչանյանը, Ա. Կուկուչանյանը, Շ. Մալյանը, Լ. Աֆրիկյանը, Սարգիս Բաղդասարյանը (անդամներ)։

Գյուղատնտեսական Հանձնաժողովի մեջ մտան՝ Ս. Հարությունյանը, Ա. Յադուբյանը, Կ. Արյանը, Ա. Մխիթարյանը, գյուղատնտեսներ՝ Հ. Փիրուկյանը, Պ. Կանդուրալյանը, Հ. Փիրումյանը։

Ժողովը ընտրեց նաև շրբեր մատակարարող Հանձնաժողով և վարչություն՝ բաղկացած 5 հոգուց՝ Ռ. Թադևոսյան, Ա. Յադուբյան, Գ. Թադևոսյան, Մ. Մուրինյան, Հ. Առուստամյան։

Հայաստանի օգնության Վրաստանի կոմիտեի սկզբնական կազմը բաղկացած էր 142 հոգուց⁸։

1921 թ. նոյեմբերի 2-ին տեղի ունեցավ Հայաստանի օգնության Վրաստանի կոմիտեի նախագահության անդրանիկ նիստը, որն ընտրեց ժամանակավոր նախագահ (Ս. Հարությունյան), փոխնախագահ (Լ. Թումանյան) և քարտուղար (Ան. Ստամբուլցյան)։

Ժողովը հատուկ դիմումով խնդրեց Վրաստանի Կենտրոնական ժանդարմային Հայաստանի օգնության թիֆլիսի կոմիտեի խնդիրներին և ստեղծել ազատ պայմաններ կոմիտեի բարեհաջող աշխատանքների համար։

Վրաստանի կառավարությունը հավանություն տվեց Թիֆլիսի կոմիտեի աշխատանքային ծրագրին և հատուկ դեկրետով ճանաչեց Հայաստանի օգնության Վրաստանի կոմիտեի գոյությունը, Այնուհետև, ՀամԿ(Բ)Կ Կովկասի բյուրոյի նույն թվականի դեկտեմբերի 31-ի որոշմամբ, թույլատրվեց Հայաստանի օգնության կոմիտեի գործունեությունը Վրաստանում։

Կովկասի բյուրոն հատուկ ցուցում տվեց և դիմեց Վրաստանի Հեղկոմին Հայաստանի օգնության կոմիտեին և Մերձվուլգյան և Վրաստանի սովյալների օգնության կոմիտեներին ցույց տալ հավասար աշակցություն։

Կոմիտեն իրեն ճանաչեց որպես Երևանի բաժանմունքի 204-ի ճյուղերից մեկը և ղեկավարվում էր 204-ի կողմից մշակված հիմունքներով։ Անցել էր որոշ ժամանակ, երբ Թիֆլիսի կոմիտեն կատարեց իր ստատուտի մշակման համար լրացուցիչ քննություն, ներկայացնելով այն ժողովին ի հաստատություն, որի համար ընտրեց հանձնաժողով՝ 4 հոգուց բաղկացած։ Հանձնաժողովի մեջ մտան Ս. Հարությունյանը (Նախագահ), Ղ. Տեր-Ղարաբյուրյանը, Ն. Սարգսյանը, Լ. Թումանյանը (անդամներ)⁹։

Թիֆլիսի կոմիտեում ակտիվ աշխատանք են կատարել նաև Ավ. Իսահակյանը և Լեոն, որոնք կոմիտեի անդամներ էին¹⁰։

⁸ ՀՍՍՀ 2202 ՊԿԱ, ֆ. 178, ց. 6, գ. 6, թ. 20։

⁹ Նույն տեղում։

¹⁰ Տե՛ս նույն տեղում։

Հայաստանի օգնության Վրաստանի կոմիտեն ստեղծեց Հայաստանի դյուղատնտեսության զարգացմանն ոժանդակող մարմիններ: Կազմակերպվեց գյուղատնտեսական պահեստներ՝ Լենինականում և Ստեփանավանում, որոնք մեծ նշանակություն ունեին հայ գյուղացիությանն օգնություն ցույց տալու գործում:

Վրաստանի կոմիտեն անհրաժեշտ համարեց կազմակերպել լայն հասարակայնության աջակցությունը Հայաստանի էկոնոմիկայի, մասնավորապես գյուղատնտեսության, վերականգնման համար: Կոմիտեի անհետաձգելի և առաջնահերթ խնդիրն էր՝ Վրաստանի հայ բնակչությանը ծանոթացնել Հայաստանի ընդհանուր վիճակին, երկրին սպառնացող վտանգին, տնտեսական ուժերին և այն միջոցներին, որոնցով կարելի էր վերաշինել երկիրը: Մի խոսքով, Վրաստանի կոմիտեի նպատակն էր՝ հանրապետությունում ապրող հայերի ուշադրությունը բեռնել Սովետական Հայաստանի տնտեսական վիճակը բարելավելու գործի վրա: Դեռ ավելին, կոմիտեն կազմակերպչական և պրոպագանդիստական լայն աշխատանք տարավ, որպեսզի երկրից դուրս գտնվող հայությունը նույնպես իր նպաստը բերի Սովետական Հայաստանի բարգավաճման գործին: Հայաստանի օգնության կոմիտեի Վրաստանի ճյուղը հրապարակեց «Օգնիր Հայաստանին» միօրյա թերթը, որը տարածվեց Թիֆլիսում և նրա գավառներում: Բացի դրանից, կոմիտեն ձեռնարկեց ժողովածու հրատարակելու գործը, որը սակայն, որոշ պատճառներով, գլուխ չեկավ: Ժողովածուի համար պատրաստած հոդվածներից երեքը՝ Հ. Մելիք-Փաշյանի՝ «Հայաստանի ջրային հարստությունը», Հ. Փիրուլյանի՝ «Հայաստանի երկրագործական արդյունաբերությունը» և Ա. Թադևոսյանի՝ «Հայաստանի անտառները և նրանց նշանակությունը» տպագրվեցին «Նոր աշխարհ» ամսագրում: Անդրադառնալով Հայաստանի բնական հարստություններին, հոդվածագիրները, միաժամանակ, ցույց են տվել հայ ժողովրդի ծավալած ստեղծագործական լայն աշխատանքը սովետական իշխանության պայմաններում:

Կոմիտեն պրոպագանդիստական և ինֆորմացիոն նպատակներով կազմեց մի ընդարձակ զեկուցում, որտեղ խոսվում էր երկրի շինարարական խնդիրների և դրանց լուծման միջոցների մասին: Այդ զեկուցումները կոմիտեն ուղարկեց արտասահմանի հայկական ընկերություններին ու հաստատություններին և այնտեղ լույս տեսնող պարբերական հրատարակությունների խմբագրություններին:

Այսպիսով, Հայաստանի օգնության Վրաստանի կոմիտեն հայ ժողովրդին օգնություն կազմակերպելու գործի մի զգալի մասը վերցրել էր իր վրա, օգնելով ՀՊՀ-ի կենտրոնին՝ ընդհանուր ուժերով հոգալու Հայաստանի կարիքները:

Պետք է նշել, որ կոմիտեի գործունեության մասին հաճախակի տեղեկություններ են տպագրվել տեղական հայերեն և ռուսերեն լեզուներով լույս ընծայվող մամուլներում: Նույն պրոպագանդայի և ինֆորմացիայի նպատակով, կոմիտեի անդամներին գործերի դրության մասին ծանոթացնելու, և ապա՝ կապը կենտրոնի հետ ամուր պահելու համար, բացի տարեկան ընդհանուր ժողովներից, հաճախակի կայացել են եռամսյա ժողովներ:

Վրաստանի հայությանը Հայաստանի վերաշինության գործի հետ կապելու և նրա ակտիվ մասնակցությունն ապահովելու գործում մեծ էր պարբերաբար կազմակերպված ներկայացումների և երեկույթների դերը: Նման

միջոցառումներ Վրաստանի կոմիտեն կազմակերպել է նաև հանրապետության մյուս բաղաժնեներում ու շրջաններում բնակություն հաստատած հայերի մեջ: Այսպես, օրինակ, կոմիտեն հետևել նամակներով և շրջաբերականներով գործնական կապերի մեջ մտավ Ախալքալաքի, Ախալցխայի, Բաթումի, Գորիի, Թելավի, Քւթայիսի, Սղնախի և Սուխումի հայ գործիչների հետ՝ տեղական ձյուղեր կազմակերպելու համար:

ՀՕԿ-ի նախագահության, ինչպես նաև Թիֆլիսի կոմիտեի կողմից ձեռք առնված միջոցառումները իդուր շանցան: 1921—1922 թթ. տեղական, հասարակական և սովետական աշխատողների միջոցով (ՀՕԿ-ի Վրաստանի ձյուղի ներկայացուցիչների մասնակցությամբ) Բաթումում, Սուխումում, Ախալցխայում կազմակերպվեցին տեղական կոմիտեներ: Ախալցխայի ձյուղը կազմակերպվեց 1922 թ. վերջերին՝ ականավոր հայագետ Ստ. Մալխասյանի նախաձեռնությամբ:

Սուխումում հայերի մեջ օգտակար աշխատանք կատարեց Աբխազիայի աշխատավոր հայերի մշակութային-կրթական միությունը, որի հետ Թիֆլիսի կոմիտեն սերտ կապեր հաստատեց: Ահա այդ միության նախաձեռնությամբ Աբխազիայում ստեղծվեց Հայաստանի օգնության կոմիտեի ձյուղը: Միություններ հատուկ լիազորներ տեղակեց Աբխազիայի շրջանները աշխատավորական համագումար նախապատրաստելու նպատակով: 1921 թ. դեկտեմբերի 25-ին տեղի ունեցավ Բաթումի հիմնարկությունների ներկայացուցիչների և հասարակական գործիչների ընդհանուր ժողովը: Օրակարգում դրված էին հետևյալ հարցերը՝ Հայաստանի օգնության Բաթումի ձյուղի ժամանակավոր կոմիտեի հաշվետվությունը, Հայաստանի օգնության մշտական կոմիտեի կազմակերպումը, նախագահության կազմը և վերստուգիչ հանձնաժողովի ընտրությունները, ընթացիկ հարցեր¹¹:

Ժողովը որոշեց Աջարիայում հիմնել Հայաստանի սովյալներին օգնող կոմիտե՝ 75 հոգուց բաղկացած՝ նույն թվականի դեկտեմբերի 27-ին տեղի ունեցավ այդ կոմիտեի նախագահության անդրանիկ նիստը, որտեղ լսվեց մասնավորապես Միջագետքի հայ գաղթականների պարենավորման հարցը:

Աջարիայի ՀՕԿ-ի հիմնական խնդիրն էր՝ օգնել Սովետական Հայաստանի էառավարությանը արտասահմանից ներգաղթ կազմակերպելու գործում: ապա գաղթականներին ցույց տալ նյութական և բժշկական օժանդակություն, մինչև Հայաստան տեղափոխվելը:

1922 թ. ամռանը դանադան տեղերից, գլխավորապես Հյուսիսային Կովկասից, մեծ թվով գաղթականներ էին եկել Թիֆլիս՝ Հայաստան անցնելու համար: Բաթումի կոմիտեն աշխատանք տարավ Միջագետքից եկած 7000 գաղթականներին Հայաստան տեղափոխվելու, ապա՝ Կ. Պոլսից ստացված 25 հազար փութ սերմացուն, ալյուրը, հացահատիկը փոխադրելու ուղղությամբ¹²:

Բացի այդ Բաթումի կոմիտեն կազմակերպեց աշխատանքային բյուրո, որի խնդիրն էր անգործներին տեղավորել համապատասխան աշխատանքի:

Բաթումի կոմիտեն օգնում էր Վրաստանում, գլխավորապես Թիֆլիսում և Բաթումում կուտակված գաղթականներին, որոնք գտնվում էին նյութական

¹¹ ՀՍՍՀ ՀՀՍՀ ՊԿԱ, ֆ. 178, ց. 9, գ. 295, թ. 6:

¹² ՀՍՍՀ ՀՀՍՀ ՊԿԱ, ֆ. 178, ց. 1, գ. 295, թ. 6:

ծանր պայմաններում: Կոմիտեն նյութական օգնություն էր ցույց տալիս ոչ միայն զաղթականներին, այլ նաև մտավորականությանը, գլխավորապես ուսուցիչներին, դերասաններին, գրականագետներին, որոնք դեռևս չէին աշխատում և կարիքի մեջ էին: Այդ նպատակով կոմիտեի կազմում ստեղծվել էին հատուկ հանձնաժողովներ: Հագուստեղեն մատակարարող հանձնաժողովը, օրինակ, հագուստեղեն գնեց ամերիկյան կոմիտեից և այն բաշխեց մտավորականներին, տեղական հայ աղքատ ընտանիքներին, զաղթականներին, մատչելի գներով, իսկ շատ կարիքավորների ձրի:

Հանձնաժողովը աշխատում էր կոմիտեի նախագահության հսկողությամբ: Որի համար կոմիտեն մշակեց հատուկ կանոններ և հրահանգներ, հագուստեղենի բաշխման եղանակի մասին: Այս միջոցով հագուստ ստացան 1980 մարդ, որոնցից 1000-ը զաղթականներ էին:

Կոմիտեն Վիեննայի և Բուխարեստի հայ զաղութներից ստացավ հագուստեղեն, կոշիկեղեն, կտավ և այն բաժանեց Թիֆլիսի և Բաթումի կարիքավոր ուսուցիչներին, ապա եռանդուն աշխատանք սկսեց մանուֆակտուրայի հայթայթման և բաշխման համար: Այդ նպատակով բանակցություններ վարեց Մոսկվայի տեքստիլ սինդիկատի Թիֆլիսի բաժանմունքի հետ և որոշ գիշումով նրանից գնեց մանուֆակտուրա: Մանուֆակտուրայի վաճառքի գործը՝ կոմիտեն հանձնարարեց հին շորերի վաճառքով զբաղվող հանձնաժողովին¹³:

Կոմիտեն զաղթականներին և կարիքավորներին օգնեց նաև հացով ու ալյուրով: Օրինակ, 1921 թ. հունվարից մինչև 1922 թ. սկիզբը 1050 հոգի ալյուր ստացան:

Բացի այդ, կոմիտեն կարիքավորներին ցույց տվեց բժշկական օգնություն, տեղավորելով շատ զաղթականների բաղաքային հիվանդանոցում: Թիֆլիսի վանքի բակում կազմակերպվեց ամբուլատորիա, որը օրական 40 հիվանդների բժշկական օգնություն էր հասցնում (Սաբուրթալոյում և Օրթաճալայում բնակվող զաղթականներին):

Այս ամբողջ օգնության հիմքը և միջոցները եղել են հանգանակությունները և նվիրատվությունները, երեկույթներից և ներկայացումներից ստացված եկամուտները:

Անդրադառնալով կոմիտեի բուն նպատակին՝ պետք է ասել, որ նա իր հիմնական ուղադրությունը բևեռեց երկրի վերաշինության գործին: Նկատի ունենալով, որ Հայաստանը գյուղատնտեսական երկիր էր, որը զտնվում էր ծանր վիճակում, կոմիտեն հիմնեց գյուղատնտեսական ֆոնդ, որի համար բացեց Հայաստանի գյուղատնտեսության դարգացման օժանդակող պահեստներ՝ լենինականում, Ստեփանավանում և Դիլիջանում:

Հայ գյուղացիությունը կարիք ուներ սերմացուի, գյուղատնտեսական գործիքների, լծկան անասունների, բուժիչ միջոցների: Միայն կոմիտեի միջոցները՝ իհարկե, քիչ էին այդ պահանջները բավարարելու համար, ուստի նա բանակցություններ վարեց ամերիկյան կոմիտեի հետ՝ որոշ օժանդակություն ստանալու նպատակով: Պետք է նշել, որ այդ առթիվ կոմիտեի և Ամերիկոմի միջև 1923 թ. մարտի 20-ին կայացավ համաձայնություն, ըստ որի՝ յուրաքանչյուր կողմ պարտավորվեց ստեղծել գյուղատնտեսական ֆոնդ՝ 5000 գոլար,

¹³ ՀՍՍՀ ՀՀՍՇ ՊԿԱ, ֆ. 178, ք. 1, գ. 295, թ. 47:

ընդամենը 10 հազար դոլար: Հետագայում, այդ ֆոնդի մեծացման նպատակով Հայաստանի օգնության կոմիտեի թույլտվությամբ, մի շարք շրջաններում հիմնվեցին պահեստներ:

Ելուղացիներին գյուղգործիքներ և սերմացու մատակարարելը կատարվեց վճարով, իրերի ինքնարժեքով, ավելացրած դրան նաև կատարված ծախքերը: Ապրանքները ապահով բաց թողնելու դեպքում նրանց արժեքը ապահովվում էր բերքով կամ այլ միջոցներով:

Իր այդ նպատակը իրագործելու համար կոմիտեն սերտ կապի մեջ մտավ ՀՍՍՀ հողթողկոմատի հետ և նրանից ստացավ օժանդակություն: Բացի այդ, կոմիտեն բանակցություններ սկսեց Մոսկվայի և Ռոստովի համապատասխան գործարանների հետ՝ ստանալով օգտակար և անհրաժեշտ գյուղատնտեսական գործիքներ (գերանդի, գութան և այլն):

Գյուղատնտեսական ֆոնդի բաշխման աշխատանքներն ընթացան հետևյալ կերպ. կոմիտեն ընտրեց հատուկ հանձնաժողով՝ բաղկացած լավագույն մասնագետներից: Այդ հանձնաժողովը նախօրոք ծանոթանում էր գնվելիք ապրանքների տեսակների հետ և որոշում ստացվող ապրանքի քանակը:

Կոմիտեն գյուղատնտեսական գործիքներով և ապրանքներով ապահովեց լենինականի, Կիրովականի, ինչպես նաև Ախալքալաքի գյուղացիներին, որոնք պտնվում էին ծանր պայմաններում:

Կոմիտեի գյուղատնտեսական ֆոնդը ուժեղացնելու համար 204-ր 1924 թ. հուլիսի 2-ին հրավիրեց հատուկ խորհրդակցություն, որին մասնակցում էին նաև ՀՍՍՀ հողթողկոմը և գյուղբանկի նախագահը¹⁴:

Կոմիտեին կից ստեղծված պահեստը (լենինականում) խոշոր դեր խաղաց նաև տեղական շուկայում, ազդելով մասնավոր առևտրի վրա. նրա պահեստը սկսեց վաճառել մեծ թվով գերանդիներ և այլ գործիքներ, մասնավոր առևտրականները հարկադրված եղան իջեցնել իրենց ապրանքների գները:

Կոմիտեն օգնեց գյուղացիությանը ոչ միայն սովորական գյուղատնտեսական գործիքներով, այլև սերմացուով, գտիչ մեքենաներով և կախիչներով՝ շինարարական նյութերով: Կոմիտեն լայն օգնություն ցույց տվեց նաև մեղվարուծության և կաթնատնտեսության զարգացմանը:

1923 թ. կոմիտեն նոր պահեստներ հիմնեց Ղարաբաղի սայում, Շամշադինում և Դիլիջանում:

1923 թ. փետրվարի 1-ին հրավիրվեց կոմիտեի ընդհանուր ժողով, որը որոշեց հրապարակել մի ժողովածու՝ Հայաստանի տնտեսական և մշակութային կյանքի վերաբերյալ: Իր հիմնած գյուղատնտեսական ֆոնդի նյութական բազան ուժեղացնելու նպատակով փետրվարի 13-ին կոմիտեն կազմակերպեց երեկույթ-ներկայացում կարմիր բանակի ակումբում: Կոմիտեն գուտ տեղական ուժերից կազմակերպեց գյուղատնտեսական, բժշկական, իրավաբանական և տեխնիկական: սեկցիաներ, ստեղծվեցին հատուկ վարկեր բանկային, առևտրական հիմնարկներում և շրջաններում, որոնց միջոցով կատարվում էր գնումներ և այլ գործարքներ¹⁵:

Մինչև 1923 թ. սկիզբը կոմիտեն գնեց և Ալեքսանդրապոլ, Ղարաբաղի սա և Դիլիջան ուղարկեց մեծ թվով գյուղատնտեսական գործիքներ՝ գերանդիներ,

¹⁴ ՀՍՍՀ ՀՍՍՀ ՊԿԱ, ֆ. 178, ց. 74, թ. 1—3:

¹⁵ ՀՍՍՀ ՀՍՍՀ ՊԿԱ, ֆ. 178, ց. 1, գ. 107, թ. 23:

եղականներ, Լեզաններ, մուրճեր, թիակներ, գութաններ, քամահար մեքենաներ, փոցխեր, կալսիչ, դտիչ, Ննձող խարիսխ պատրաստող մեքենաներ, մեղվաբուծական գործիքների կոմպլեկտներ՝ փեթակներ, փեթակների շրջանակներ, թուկ և այլն:

Աջարիայի կոմիտեն մինչև 1924 թ. ապրիլ ամիսը Երևան ուղարկեց 13 վագոն զանազան մթերքներ՝ ալյուր, դարի, ցորեն և այլն¹⁶:

Մեծ էր կոմիտեի դերն ու նշանակությունը ժողովրդի առողջապահության ասպարեզում: Կոմիտեն, որպես նվեր, Եգիպտոսի բարեգործական ընկերությունից ստացավ խինին և մասնակցեց մալարիայի դեմ մղվող պայքարին: Կոմիտեն դիմեց զանազան բժշկական հաստատություններին՝ կոչ անելով կազմակերպել ճահճների շորացման գործը:

Ահա, այն ամենը, ինչ կարողացավ կատարել կոմիտեն իր գոյության համատարբար կարճ ժամանակամիջոցում: Կոմիտեի կողմից տարված օգտակար աշխատանքների արդյունքները ամփոփվեց 1925 թ. փետրվարի 7-ին Թիֆլիսում գումարված ՀՊԿ-ի Վրաստանի բաժանմունքի ընդհանուր ժողովում: Ժողովը լսեց վարչության նախագահ Ս. Հարությունյանի զեկուցումը՝ կոմիտեի գործունեության մասին և բարձր գնահատեց կատարած աշխատանքը: Ժողովի արձանագրության մեջ ասված է. «Կոմիտեն իր եռանդուն աշխատանքով կարողացավ իրագործել իր ծրագիրը, գյուղատնտեսական ֆոնդի իրագործումը»¹⁷:

1925 թ. մալիսին ի հավերժացումն սովետական պետության ականավոր գործիչ Ալ. Ֆ. Մյասնիկյանի հիշատակի՝ Հայաստանի օգնության Վրաստանի կոմիտեն հիմնեց «Ալ. Մյասնիկյանի անվան ֆոնդ», որին հավանություն տվեց Վրացական ՍՍՀ Ժողկոմխորհը¹⁸:

* *
*

1925 թ. վերջերին Հայաստանի օգնության Վրաստանի կոմիտեի գործունեությունը դադարեց:

1937 թ. դեկտեմբերի 3-ին ՀՍՍՀ կառավարության որոշմամբ, լիկվիդացվեց ՀՊԿ-ի գլխավոր վարչությունը, դրանով իսկ դադարեցին գործելուց ՀՊԿ-ի բոլոր ճյուղերը ամբողջ աշխարհում:

Իր գոյության 17 տարիներում ՀՊԿ-ը դրական նշանակություն ունեցավ հայ ժողովրդի կյանքում: ՀՊԿ-ի գործիչները ակտիվ աշխատանք կատարեցին արտասահմանի հայ «գաղութներում»: Ս. Տեր-Գաբրիելյանը բարձր գնահատելով ՀՊԿ-ի դերը, նշել է, որ ՀՊԿ-ը հանդիսանում է գաղութահայության մեջ հորհրդային Հայաստանի ամենաջերմ բարեկամը և նրա տնտեսական, բաղադրական, կուլտուրական վերելքը պրոպագանդող գրեթե առաջին և միակ հասարակական կազմակերպությունը:

¹⁶ ՀՍՍՀ ՀՀՍՇ ՊԿԱ, ֆ. 178, ց. 1, գ. 295, թ. 44—47:

¹⁷ ՀՍՍՀ ՀՀՍՇ ՊԿԱ, ֆ. 178, ց. 1, գ. 295, թ. 47:

¹⁸ ՀՍՍՀ ՀՀՍՇ ՊԿԱ, ֆ. 178, ց. 1, գ. 343, թ. 63:

* *

*

Սովետական Վրաստանում բնակություն հաստատած հայութունը, ՀՍՀՄ-ի Վրաստանի կոմիտեի միջոցով, բարեկամական, Եղրայրական անկեղծ կապերի մեջ մտավ Հայաստանի աշխատավորների հետ և կատարեց հասարակական օգտակար աշխատանք հօդուտ հայ ժողովրդի:

Հայաստանի օգնության Վրաստանի կոմիտեն իր ստեղծման պահից հանդես եկավ գյուղատնտեսական, մշակութային-կրթական, առողջապահական և հասարակական օգտակար ֆոնդ հիմնելու ծրագրով, համապատասխանեցնելով այն տվյալ ժամանակի պահանջներին: